

近代著名

圖書館館刊

薈萃

北京圖書館出版社

第十冊

浙江公立圖書館年報

【第一——四期】

第十冊目錄

浙江公立圖書館年報

第一期

目錄	三
暫定保存類書目	五
暫定觀覽類書目	五三
閱書統計表並報告書	一六九
公牘	一八五
附勘誤表	一八九
第二期	
目錄	一九七
暫定保存類書目	一九九
暫定觀覽類書目	二三九

第三期（缺）

第四期

總目	三三九
凡例	三四一
新置圖書雜誌新聞各目錄	三四一
一 保存類	三四三
二 通常類	三五五
文淵閣浙江書目	四五九
本館辦理情形並一切章制文牘	四九一
各項統計	四九九
來學年之整理進行計劃	五二一
附錄	五二五

中華民國四年十二月

浙江公立圖書館年報

浙江公立圖書館編印

浙江公立圖書館年報目錄

暫定保存類書目

暫定觀覽類書目

閱書統計表并報告書

公牘

附勘誤表

浙江公立圖書館年報 目錄

二

浙江公立圖書館年報

暫定保存類書目

此類隨購隨編故未分
子目亦未叙撰人時代

餘杭章箴編

經部

易類

殘本啓蒙意見二卷明刊本 一本

明韓邦奇圖解四庫總目作易學啓蒙意見五卷此僅存一二兩卷然四庫分原卦畫明著策爲兩卷此則合爲一卷是實存三卷也是書爲邦奇所箸性理三解之一故每卷首行上標性理三解卷之幾下標啓蒙意見幾前嘉靖十三年巡按直隸監察御史濮陽蘇祐刻啓蒙意見序次正德八年榮祿大夫太子太保戶部尙書忠定公韓文序

按忠定乃韓文之謚忠定公三字蓋蘇祐刻時所加

次弘治十六年邦奇自序蓋是書先有

正德八年巡按御史周伯明河東刻本韓文爲序祐以其闕原卦畫其它亦多初定乃重刻于上谷今文瀾閣補鈔本卷二原卦畫全闕當即據河東本

四庫總目云
二卷曰原卦

畫皆推演邵氏之學詳爲
圖解故知舊鈔必不闕

得此可彌其闕矣

右易類一部二卷

禮類

五禮備考一百七十三卷 舊鈔本 五十四本

清崑山徐乾學箸原本一百八十卷此闕第二十六第三十四第五十五第七十六第八十三第八十四第一百二十三凡七卷又卷十六闕祭器圖卷七十五闕先鑒旗纛二條卷八十五闕昭穆遷毀以下五條宗祧僖祖議以下九條卷九十五闕金元冊立皇后儀注其書先分五禮通論禮經源流傳禮諸儒附禮制因革三大綱次即吉嘉賓軍凶五禮每禮又分子目均冠以按語按徐氏箸讀禮通考世所共知此則未見刊本其碑傳列舉所箸亦無是書之名惟四庫總目讀禮通考下載乾學欲并修吉軍賓嘉四禮方事排纂而歿當即指此又李元度先正事略萬季野先生篇載徐尚書乾學請纂讀禮通考知先生故深于經因請編成五禮之書二百餘卷當亦指此然則讀禮五禮二考名出健庵實皆假手季野事略作二百餘卷或舉成數言之也每卷有朱筆校字收藏有此日不再得一印

重校古周禮六卷 明刊本 三本

明長洲陳仁錫明卿父注釋昭武艾南英千子父校閱首仁錫自序次歷代名儒

姓氏次摘周禮奇字次凡例次武進徐常吉古周禮闕冬官辨案是書即四庫總目之重訂古周禮總目以其自違凡例又注釋剽竊體例猥雜謂爲庸劣坊賈託名未必真出仁錫此本改題重校卷端復增艾南英校閱一行蓋又翻刊之本在重訂本後矣

右禮類二部一百七十九卷

春秋類

春秋四傳三十八卷明刊本 五本

不箸編輯人名氏首胡安國序已闕次杜預何休范寧程頤四序次春秋綱領次春秋提要次春秋列國圖說次春秋二十國年表次春秋諸國興廢說經文下分注左氏公羊穀梁三傳胡傳則低一行別標間加音注別無發明參攷之處按四庫總目有元刊本善本書室藏書志有明刊本皆無程子序此有之殆翻刻時所加

春秋左傳三十卷汲古閣刊本 三十本

明鍾惺評前京山楊鼎熙序次古虞毛晉紀略並署辛未即崇禎四年也次杜預

原序後杜預後序其評爲顧寧人所痛詆見日知錄鍾惺條令以明本姑存之收藏有緝文一印

案本館保存類向分甲乙兩種凡毛刻及清刻之精者入乙種今詳請 巡按使改章保存類限於文瀾閣書宋元明刻本海內孤本精鈔名校本四種故清刻非名校孤本槩入觀覽毛刻雖在明清之間但天祿琳琅以毛鈔爲明鈔則毛刻亦當爲明刻故仍列之保存并不分甲乙焉

右春秋類二部六十八卷

四書類

四書湖南講九卷明刊本 八本

明錢塘葛寅亮講錢塘鄭尙友等錄前崇禎辛未尙友序次課語及商內湖南書院諸生姓氏附匡山書院諸生姓氏商者寅亮與門人問答辨難之謂其剖析本章大義則謂之測順演經文語氣則謂之演每卷端署某某錄測某某錄演某某錄商是也大學講前冠以論明篇中庸講前冠以論誠篇論明篇標題下注云此論照今本次序還應以詁中所論爲是大學講標題下注云大學于庚午年另講

過較原刻迥異論語講卷一標題下注云論語較原刻間有改正有子曰其爲人也孝弟節上眉批云初刻本文下附有注疏今削去另入簡注內故文下有空據此數條則此本乃重刊本四庫總目以浙江通志作二十六卷疑有誤或通志據原刻歟書中有朱藍墨三色筆評點首冊封面墨筆題同治己巳購於廠肆星未識論誠篇末又題八年十一月初九日筆迹俱同同治八年己巳又相吻合自是一手所評收藏有明善堂所見書畫印記安樂堂藏書記二印

重刻內府原版張閣老經筵四書直解指南二十七卷明刊本 十二本

是書題中極殿大學士泰嶽張居正輯箸而首載萬曆元年居正等進講章疏稱編成大學一本虞書一本通鑑四本並無中庸論孟之名則書與疏已不相應然猶曰疏固有接續編輯之語也若凡例既稱學庸論語爲太岳張公時解上孟爲瑤泉申公時解下孟爲澱陽趙公時解

按當卽申時行趙志皋

是明非居正一人所爲乃孟子

標題次行仍署居正輯箸則矛盾甚矣卷端又有狀元焦竑增校會元湯賓尹訂正等字尤爲俗陋蓋坊賈射利之本也本名四書直解以上方載有鄒魯指南故又加指南字鄒魯指南者亦坊刻講章凡例所謂本館幣請閩惠見字楊先生修

纂者也以疏末有萬曆三十九年秋月一行書末有萬曆乙卯歲春月書林原版行兩行其紙墨亦確爲明槧故過而存之

右四書類二部三十六卷

樂類

樂律纂要一卷明刊本 一本

明會稽季本纂南充王廷校前廷序本自序後長沙熊宇序並署嘉靖己亥即嘉靖十八年也書末署長沙府善化縣學教諭門人錢塘宋楫重校刊其時本方守長沙廷則貳守曰重校刊者本先箸律呂算法既乃刪繁就簡爲此書也

右樂類一部一卷

小學類

釋名八卷明刊本 二本

漢劉熙撰有自序明吳琯校即古今逸史本也

洪武正韻十六卷明初刊本 五本

明翰林侍講學士樂韶鳳等奉敕撰洪武八年翰林侍講學士中順大夫知制誥

同修國史兼太子贊善大夫宋濂序白紙大字筆迹絕類元槧知係初刊非南監
贛州建寧衡府平陽各本也

詩韻輯略五卷明刊本 十本

明上海潘恩箸前隆慶己巳自序稱近刻古今韻注釋不具開卷茫然點畫訛謬
俗書孔多義理淆雜余病緝閱之難乃取韻會諸編尋文疏義去複芟繁繕寫成
帙以便覽觀按潘氏有笠江集十二卷見四庫總目此則未收攷邵長蘅古今韻
略例言稱明崇禎間有梁應圻者取是書翻版行不增損一字更名詩韻釋略每
卷首列關中梁某訂入本朝其子又翻版行跂有知是書出潘氏者云云此本標
題仍舊確係原刊可寶也中有朱墨筆校注又石室清隱一印
右小學類三部二十九卷

史部

正史類

梁書五十六卷明刊清修南監本 八本

唐散騎常侍姚思廉撰明南京國子監祭酒余有丁校正司業周子義同校目錄

後識云南雍故藏二十一史板多漫漶梁書尤甚許侍御督饒淮陽捐所部贖錢來付梓人重梓之余與侍御嘗官北雍與從遊久蓋雅善義理而希心墳索者侍御名三省武林人時萬曆丙子歲也四明余有丁志又識云是書之刻余適于役在途未得寓目也念挂名簡端誼不可虛乃覓禮部宋本及南史參校凡是正數百字其疑者則闕之不敢以己意補入也丁丑春三月旬吳周子義志每葉版心上方標萬曆三年刊間有標順治十五年刊順治十六年刊康熙三十九年刊者蓋清修已兩次書末題康熙庚辰年江寧府儒學教授荆子邁校庚辰正三十九年也收藏有子孫保之松石山房古宕某坡氏家藏三印

右正史類一部五十六卷

編年類

甲子會紀五卷明刊本 八本

明賜進士前中憲大夫浙江按察司提學副使兩京吏禮郎中武進薛應旂編集嘉靖己未南京太常寺少卿江西提督學校僉事上元石城許穀序卷端題史官長洲陳仁錫評閱蓋七編通鑑之一與前保存類書目所載同一版惟前二冊鈔

配收藏有趙氏鑑藏一印

殘本皇明通紀法傳全錄二十六卷明刊本 十一本

明東莞陳建箸雲間吳楨增刪武林高汝栻等訂是編四庫未收千頃堂書目作四十卷明史藝文志作二十七卷阮元廣東通志同而注云黃志作二十卷又引粵大記作三十四卷此本存卷三至卷二十八并闕卷計之則二十八卷與各家箸錄卷數皆不合然粵大記稱建哀輯洪武以來迄於正德爲皇明通紀此本正合似當以二十八卷爲是或本非二十八卷此爲吳楨增刪後之數亦未可知書中有朱筆圈點

鼎鏤趙田了凡袁先生編纂古本歷史大方綱鑑補三十九卷明刊本 十八本

明趙田袁黃編纂萬曆三十四年自序大旨以朱子之綱標大義以目與司馬通鑑詳顛末自周以前合金氏前編劉氏外紀而采其粹宋元而後參陳氏通鑑續編商氏續綱目而纂其全前有首卷一卷載歷代國號圖國號歌宋元傳授圖綱鑑補凡例綱目凡例先儒名公姓氏讀綱目要法讀通鑑要法等卷端標潭陽余象斗刊行

右編年類三部七十卷

紀事本末類

通鑑紀事本末前編十二卷明刊本 六本

明金陵沈朝陽纂編瑯琊焦竑校正首巡按直隸監察御史烏程唐世濟序次萬曆丁巳賜進士出身奉政大夫工部都水清吏司郎中三奉敕提督河道兼督木仁和李之藻序次萬曆戊申朝陽自序世濟序略云金陵沈廣文宗明取金履祥氏之前編陳桎氏之外紀益以經傳所散見薈粹成之余友李水部振之數爲余言因錄是示余余方心識之會其遷去是刻行而廣文不朽者自在矣之藻序略云學博沈宗明氏倣金陳兩氏之義例益以逖覽之所得命曰紀事本末前編美承柱史采風貞敷命梓廣陵以成紀事之全書按宗明朝陽字振之之藻字美承世濟字戊申爲萬曆三十六年丁巳爲萬曆四十五年在此本乃世濟所刻距成書將十年矣卷一標題下墨筆題湘畦湯氏點閱起卷六末又題閏六月初二點完卷十二末又題嘉慶六年辛酉六月十四日閱畢別有評語一行又湯淦之印湯淦紹南守拙諸印